

ახმეტის მუნიციპალიტეტის სოფელი მატნის მაჟორიტარი დეპუტატის გიორგი მამუჩარაშვილის ანგარიში ერთი წლის გაწეული მუშაობის შესახებ.

მოგესალმებით ჩემო მატნელებო. მინდა გაგაცნოთ მიმდინარე, 2023 წლის მუშაობის ანგარიში.

მიმდინარე წელს ჩატარდა და დავესწარი 10 ბიუროს და 13 საკრებულოს სხდომას, მათ შორის 1 გასვლით სხდომას, რომელიც ჩატარდა სოფელი მატნის კულტურის სახლში, სადაც აქტიურად ვიბრძოდი მატნის განვითარებისთვის საჭირო პროექტების გატანაზე.

აქტიურად ვთანამშრომლობდი მუნიციპალიტეტის მერიის და სხვა სამსახურებთან.

სივრცით-ტერიტორიული დაგეგმარების, ინფრასტრუქტურის და ბუნებრივი რესურსების მართვის კომისიამ, რომლის თავმჯდომარეც მე გახლავართ განიხილა, დაამტკიცა და მოიწონა 10-მდე პროექტი.

წლის განმავლობაში სახელმწიფო დასაქმების პროგრამის ფარგლებში ხელი შევუწყე 118 ადამიანის დასაქმებას, რომლებიც სხვადასხვა პოზიციებს იკავებენ - კეთილმოწყობის სამსახურში, ტყე-პარკების და სასაფლაოების მოვლა-პატრონობის სამსახურში, სოფლის წყლებში, სოფლის ადმინისტრაციულ ერთეულში, სკოლებში, საბავშვო ბაღებში, სასოფლო ამბულატორიასა და სხვა სამსახურებში.

მათი მეშვეობით შევძელით და მოვაწყეთ 30-მდე მასშტაბური დასუფთავების აქცია სასაფლაოებზე, ეკლესიებზე, რეკრეაციულ ზონებში, სოფლის შემოსასვლელებში და სხვა ადგილებზე.

ყოველდღიურად სუფთავდება 5 ძირითადი ქუჩა დაყრილი ნაგვისგან. ითიბება გზის ნაპირები და სუფთავდება სანიაღვრე არხები, ყოველდღიურად სუფთავდება სოფლის 2 სკვერი.

არამუნიციპალურ, საშტატო სამუშაოებზე ვაკანსიები მოვიძიე და რეკომენდაცია გავუწიე 20-ზე მეტ მოქალაქეს.

მიმდინარე წელს მოხდა ახლად რეაბილიტირებული კულტურის სახლის საზეიმო ვითარებაში გახსნა, რომელსაც მუნიციპალიტეტის ხელმძღვანელობასთან ერთად ესწრებოდნენ კახეთის გუბერნატორი, ინფრასტრუქტურის მინისტრის მოადგილე და სხვა სტუმრები.

როგორც გასული წლის ანგარიშში დაგპირდით. სასცენო ფარდით და გახმოვანების აპარატურით აღიჭურვა მატნის კულტურის სახლი. აღნიშნული პროექტი ჩემს მიერ იყო დაწერილი და მთლიანად დააფინანსა კულტურის, სპორტის და ახალგაზრდულ საქმეთა სამინისტრომ.

საჭირო საოფისე ავეჯით სრულად აღიჭურვა კულტურის სახლი, სამუსიკო სკოლა, ადმინისტრაციული ერთეული და დეპუტატის ოფისი.

დეკემბრის თვეში მუნიციპალიტეტის მერიამ გადმოგვცა ნაძვის ხე, რომლის საახალწლოდ მორთვაში ჩემთან და მერის წარმომადგენელთან ერთად ლომის წვლილი აქვთ კულტურის სახლის ხელმძღვანელს და მის თანამშრომლებს.

კულტურის სახლში, რომელიც აპრილის თვიდან ფუნქციონირებს ჩატარდა 14 აქტივობა: 6 კონცერტი, 3 თეატრი, 1 საღამო, 1 ღონისძიება, 1 ადგილობრივი გამოფენა და 1 სასკოლო ღონისძიება.

ამჟამად მატნის კულტურის სახლში ფუნქციონირებს 9 სხვადასხვა მიმართულების წრე, რომელშიც ერთიანდება ხალხური ფანდური, კლასიკური ფანდური, ფოლკლორი, ქართული ქორეოგრაფიული სტუდია, გიტარა, სალამური, ხატვა, ქარგვა, და დეკორატიული ხელოვნება.

ჯამში კულტურის სახლში არსებული წრეებით სხვადასხვა მიმართულების განათლებას იღებს 550-მდე მოზარდი.

კულტურის სახლის შენობაში ასევე წარმატებით ფუნქციონირებს სასოფლო ბიბლიოთეკა, რომელსაც წლის განმავლობაში სტუმრობს 300-ზე მეტი მკითხველი.

კულტურის სახლშია განთავსებული სამუსიკო სკოლა, სადაც შეისწავლება 3 მიმართულება: ფორტეპიანო, ხალხური სიმღერა და ხალხური საკრავები. აღნიშნულ სკოლაში მუსიკალურ ხელოვნებას ეუფლება 50-ზე მეტი ბავშვი.

მატნის სასპორტო სკოლაში ფუნქციონირებს 6 სახის წრე, რომლებიცაა: ძიუდო, კრივი, გოგონათა და ვაჟთა კალათბურთი, ფეხბურთი და გამაჯანსაღებელი ტრენაჟორების წრე. უახლოეს დღეებში ფუნქციონირებას დაიწყებს მაგიდის ჩოგბურთის წრეც.

მომდევნო წლიდან ვგეგმავთ 5 სახის სპორტული წრის დამატებას.

სულ სპორტულს წრეებზე აქტივობით დაკავებულია 180-მდე მოზარდი.

დასასრულს უახლოვდება N1 საბავშვო ბაღის სამშენებლო სამუშაოები.

დაწყებულია N3 საბავშვო ბაღის დემონტაჟის სამუშაოები, სადაც ახლად აშენდება თანამედროვე სტანდარტების მქონე 3 ჯგუფზე გათვლილი საბავშვო ბაღი.

ასფალტის საფარის მოწყობა იწყება მატნის 3 სასაფლაოსთან მისასვლელ გზაზე რომელიც იერთებს N35 ქუჩას და კიდევ სამი ქუჩის ნაწილს. აღნიშნული პროექტის ტენდერი დასრულებულია და უახლოეს დღეებში დაიწყება სამუშაოები.

ასფალტის საფარის მოსაწყობად მიმდინარეობს რამდენიმე ქუჩის პროექტის მოსამზადებელი სამუშაოები, რომლებიც არის N14, N11, N49, N50, N4, N5 ქუჩები

14 თებერვალს, სოფლის კულტურის სახლში ადგილობრივმა ხელისუფლებამ გამართა შეხვედრა სოფლის მოსახლეობასთან. შეხვედრა ითვალისწინებდა სოფლის მხარდაჭერის პროგრამით გათვალისწინებული თანხის განკარგვის შესახებ შეთანხმებას.

სოფლის მხარდაჭერის პროგრამის ფარგლებში სანიაღვრე არხები მოეწყო 3 ქუჩაზე, გარე განათების სისტემები მოეწყო 5 ქუჩაზე.

შევიძინეთ ტრენაჟორები და სხვა სპორტული ინვენტარი სასპორტო სკოლისათვის.

ბიუჯეტით გათვალისწინებული თანხით სანიაღვრე არხები მოეწყო 43 ქუჩაზე.

ამოიცვალა და დაემატა სოფლის ტერიტორიაზე განლაგებული 90-მდე საყოფაცხოვრებო ნარჩენების ურნა.

დასასრულს უახლოვდება რეკრეაციული პარკი „მარილისის“ მოწყობის სამუშაოები, რომლის პროექტაც ჩემს მიერ იყო დაწერილი და დაფინანსა ადგილობრივი განვითარების ორგანიზაციამ,

სამედიცინო და სოციალური პროგრამების დაფინანსებით ისარგებლა 223 ადამიანმა.

სამედიცინო მომსახურება	116
მედიკამენტების დაფინანსება	28
განსაკუთრებულ შემთხვევებში დახმარება	4
ახალშობილთა დახმარება	15
დიალეზით მოსარგებლეთა დახმარება	3
დენის და გაზის გადასახადის დაფინანსება	16
უსინათლოთა დახმარება	3
ხანდაზმულთა დახმარება	1
საქართველოს ტერიტორიული მთლიანობისთვის ბრძოლაში დაღუპულთა ოჯახის დახმარება	1
დაუნის სინდრომით დაავადებულთა დახმარება	2
აუტიზმით დაავადებულთა დახმარება	2
ძალადობის მსხვერპლთა დახმარება	4
ლოგინს მიჯაჭვულთა პამპერსის თანხით დახმარება	27
100 წელს გადაცილებულთა დახმარება	1

ირაკლი ქადაგიშვილის პარლამენტის მაჟორიტარული ბიუროს ორგანიზებით კვალიფიციური ოფთალმოლოგის მეშვეობით სოფელ მატანში 2-ჯერ ჩატარდა თვალის უფასო კვლევა, რომლითაც ისარგებლა 100-მდე პაციენტმა.

სასოფლო ამბულატორიამ არსებული უბნის 3 ექიმის მეშვეობით წლის განმავლობაში მომსახურება გაუწია 3800-ზე მეტ პაციენტს.

სოციალური სახლის უფასო კვების პროგრამით სარგებლობს 45 ბენეფიციარი.

სოციალური მომსახურების სააგენტოს დახმარებით ინვალიდის ეტლი გადაეცა 1 ადამიანს, ყავარჯნების შექმნა მოხდა 1 ადამიანისთვის, პროტეზი დაუფინანსდა 2 ადამიანს, დახმარება გაეწია კრიზისულ მდგომარეობაში მყოფ 11-მდე ოჯახს, ასევე რამდენიმე ადამიანს დაეხმარა ყურის სასმენი აპარატის შექმნაში.

მუნიციპალიტეტის მერიის ორგანიზებით მუნიციპალიტეტის მერთან ერთად 3 მარტს, დედის დღის აღსანიშნავად სიმბოლური საჩუქრები გადავეციტ აფხაზეთის ომის დროს გარდაცვლილი მიხეილ ზურაბაშვილის დედას.

მატნის სამივე საბავშვო ბაღის აღსაზრდელებს, ჯამში 151 ბავშვს გადაეცა წითელი ჯვრის სასაჩუქრე პაკეტები.

წითელი ჯვრის ორგანიზებით ტანსაცმელი გადაეცათ 3 შშმ ოჯახს.

წითელი ჯვრის შინ მოვლის პროგრამაში ჩაერთო 2 ოჯახი, რომლებსაც პერიოდულად გადაეცემა ჰიგიენური და სასურსათო პაკეტები, ასევე პერიოდულად მოხდება მათი სახლის დალაგება-დასუფთავება და ტანსაცმელის დარეცხვა..

შეშის მარაგი გადაეცა 50-მდე გაჭირვებულ ოჯახს.

ტურიზმის ეროვნული სააგენტოს მიერ ახმეტის მუნიციპალიტეტის მერიის ინიციატივით და ჩართულობით დაიგეგმა და განხორციელდა სოფლის მასშტაბით 3 ტურისტულ მარშრუტზე საინფორმაციო დაფების განთავსება. მოხდა საფეხმავლო ბილიკების მარკირება.

დავესწარი როგორც საჯარო სკოლების, ასევე საბავშვო ბაღების ზეიმებს და ღონისძიებებს.

დავესწარი მოსახლეობის ორგანიზებულ სასოფლო კრებას, სადაც სოფლის მაცხოვრებლებმა განიხილეს სოფელში არსებული სხვადასხვა სახის პრობლემები. ორგანიზება გავუკეთე და კრებაზე შერჩეული საინიციატივო ჯგუფი შევახვედრე რეგიონის გუბერნატორს. აღნიშნულ შეხვედრას ესწრებოდნენ კახეთის გუბერნატორი, მუნიციპალიტეტის მერი და საკრებულოს თავმჯდომარე მოადგილეებთან ერთად.

ხელი შევუწყე უზუცესთა ფეხბურთის მეგობრული თასის გათამაშებას, სადაც საკუთარი ინიციატივით სიმბოლურად გადავეცი წამახალისებელი საჩუქრები.

დავიწყე სოციალურ ქსელში წარმატებული მატნელების შესახებ გაცნობითი ხასიათის პოსტების გამოქვეყნება.

სოფლის მოსახლეობას დახმარებას ვუწევ სხვადასხვა სახის დაფინანსებების თუ მომსახურების მისაღებად საჭირო დოკუმენტაციის შეგროვებასა და მიმართულების მიცემაში.

სოფელში მიმდინარე სიახლეების შესახებ მაქსიმალურ ინფორმირებას ვუკეთებ სოფლის მოსახლეობას სოციალურ ქსელში შექმნილი გვერდების მეშვეობით.

ვაკანსიის არსებობის შემთხვევაში ყოველთვის ვავრცელებ ინფორმაციას საჯაროდ რათა არ მოხდეს კადრების აყვანა ნეპოტიზმით.

სოფლის მოსახლეობის ინიციატივით და დაფინანსებით აღდგენა-რეაბილიტაცია ჩაუტარდა 1 ტამარს და სამუშაოები მიმდინარეობს კიდევ 2 ტამარზე, სადაც აქტიურ თანადგომას ვუწევთ ადგილობრივი ხელისუფლებას.

მადლობას გიხდით გამოცხადებული ნდობისთვის!

ახმეტის მუნიციპალიტეტის სოფელი მატნის
მაჟორიტარი დეპუტატი გიორგი მამუჩარაშვილი

